

# Dagens bøn

## VEDTEKE AV KYRKJEMØTET 2014

### 1. søndag i advent

Nådige Gud,  
du kjem oss i møte med frelse.  
Vi bed deg:  
Gje oss eit nådens år  
der knuste hjarte blir heile, undertrykte blir sette fri  
og vi kan lovsyngja Son din, Jesus Kristus, vår Herre,  
som med deg og Den heilage ande lever og råder,  
éin sann Gud frå æve til æve.

**Amen.**

### 2. søndag i adventstida

Trufaste Gud,  
du har lova at du aldri vil svikta oss.  
Vi bed deg:  
Styrk oss i trua på dine lovnader,  
så vi kan leva og døy i vona om ein ny himmel og ei ny jord,  
ved Son din, Jesus Kristus, vår Herre,  
som med deg og Den heilage ande lever og råder,  
éin sann Gud frå æve til æve.

**Amen.**

### 3. søndag i adventstida

Gud, vårt håp,  
du sende Døyparen Johannes for å rydda veg for ditt rike.  
Vi bed deg:  
Lat livsens kjelder strøyma fram,  
og skap fred og rettferd blant oss,  
ved Son din, Jesus Kristus, vår Herre,  
som med deg og Den heilage ande lever og råder,  
éin sann Gud frå æve til æve.

**Amen.**

### 4. søndag i adventstida

Jesus Kristus, Guds Son,  
du steig ned til vår jord  
og vart fødd av Maria for å tena oss.  
Vi bed deg:  
Gje oss ditt sinnelag, så vi ikkje søkjer vårt eige,  
men tener nesten vår og overgjev oss til kjærleiken frå deg,  
du som med din Far og Den heilage ande lever og råder,  
éin sann Gud frå æve til æve.

**Amen.**

### Julaftan

Kjære Gud,

du sende englane dine til Betlehemsmarkene julenatt.  
Vi bed deg:  
Lys for oss i mørkret  
og lat oss som gjetarane finna vegen til frelsaren vår, Jesus Kristus,  
som med deg og Den heilage ande lever og råder,  
éin sann Gud frå æve til æve.  
**Amen.**

### **Julenatt/Ottesong**

Nådige Gud,  
du gav Son din som eit nyfødt barn i våre hender.  
Vi bed deg:  
Lat oss som Maria og Josef få ta imot Jesus og elska han trufast,  
han som med deg og Den heilage ande lever og råder,  
éin sann Gud frå æve til æve.  
**Amen.**

### **Juledag**

Underfulle Gud,  
vi takkar og lovprisar deg  
som lét Ordet bli menneske og ta bustad blant oss.  
Vi bed deg:  
Vis oss herlegdomen som strålar fram i den einborne Son din,  
så vi med englane og heile di kyrkje  
kan jubla over frelsa i Jesus Kristus, vår Herre,  
som med deg og Den heilage ande lever og råder,  
éin sann Gud frå æve til æve.  
**Amen.**

### **Stefanusdagen / 2. juledag**

Heilage Gud,  
vi takkar deg for martyrane, som gav livet for evangeliet si skuld.  
Vi bed deg:  
Styrk alle som blir forfølgde for si tru.  
Lær oss å elska fiendane våre og be for dei som forfølgjer oss,  
ved Son din, Jesus Kristus, vår Herre,  
som med deg og Den heilage ande lever og råder,  
éin sann Gud frå æve til æve.  
**Amen.**

### **Romjulssøndag**

Nådige Gud,  
du lét Son din bli eit sårbart menneske.  
Vi bed deg:  
Trøyst oss lik ei kjærleg mor som tek seg av sine.  
Vern alle som er på flukt  
og lat oss sjå fridomen og frelsa i Jesus Kristus,  
han som med deg og Den heilage ande lever og råder,  
éin sann Gud frå æve til æve.  
**Amen.**

### **Nyårsaftan**

Evige Gud,  
du held tida i di hand.  
Vi bed deg:

Ver hos oss når året vender.  
Gje oss framtid og håp,  
så vi kan leva og døy i tillit til Son din, Jesus Kristus, vår Herre,  
som med deg og Den heilage ande lever og råder,  
éin sann Gud frå æve til æve.

**Amen.**

### **Nyårsdag / Jesu namnedag**

Allmektige, evige Gud,  
du gjev frelse og fred i Jesu namn.  
Vi bed deg:  
Gå med oss inn i det nye året,  
og lat di velsigning lysa over heile jorda.  
Gje kyrkja tru, så vi kan vedkjennast Jesus Kristus som Herre,  
han som med deg og Den heilage ande lever og råder,  
éin sann Gud frå æve til æve.

**Amen.**

### **Kristi openberringsdag**

Evige Gud,  
du lét stjerna leia vismennene til Betlehem.  
Vi bed deg:  
Lys for oss på vegen vi skal gå.  
Lat alle folkeslag få sjå din herlegdom, og hylla han som kom med frelse,  
Son din, Jesus Kristus, vår Herre,  
som med deg og Den heilage ande lever og råder,  
éin sann Gud frå æve til æve.

**Amen.**

### **2. søndag i openberringstida**

Heilage Gud,  
du lét den elska Son din bli døypt for å bera synda i verda.  
Vi bed deg:  
Forny oss i dåpen vår,  
så vi alltid følgjer etter Jesus Kristus, vår Herre,  
han som med deg og Den heilage ande lever og råder,  
éin sann Gud frå æve til æve.

**Amen.**

### **3. søndag i openberringstida**

Gud, vår skapar,  
du byd oss å drikka av livsens kjelde.  
Vi bed deg:  
Gjer oss tørste etter det du vil gje oss,  
så vi tilbed deg i ånd og sanning  
ved Son din, Jesus Kristus, vår Herre,  
som med deg og Den heilage ande lever og råder,  
éin sann Gud frå æve til æve.

**Amen.**

### **4. søndag i openberringstida**

Jesus Kristus, miskunnsame Herre,  
du lét blinde sjå og løyste dei som var bundne av sjukdom.  
Vi bed deg:  
Hjelp oss når vi ropar til deg i vår naud,

så vi kan fryda oss over frelsa du gjev,  
du som med din Far og Den heilage ande lever og råder,  
éin sann Gud frå æve til æve.

**Amen.**

#### **5. søndag i openberringstida**

Jesus Kristus, vår Frelsar,  
du ser oss når vi er i naud og fare.

Vi bed deg:

Hjelp oss når livet blir truga, så vi kan stola på di makt,  
du som med din Far og Den heilage ande lever og råder,  
éin sann Gud frå æve til æve.

**Amen.**

#### **6. søndag i openberringstida**

Jesus Kristus, Guds Heilage,  
du kan venda gråt til jubel og sorg til glede.

Vi bed deg:

Gjer oss vakne, så vi søkjer ditt evige livs ord  
og aldri vender oss bort frå deg,  
du som med din Far og Den heilage ande lever og råder,  
éin sann Gud frå æve til æve.

**Amen.**

#### **Såmannssøndagen**

Livsens Gud,  
i din nåde har du sådd ordet ditt blant oss.

Vi bed deg:

Lat oss få ta imot Ordet, så det kan veksa og modnast i oss  
til den dagen ditt rike blir fullenda  
ved Son din, Jesus Kristus, vår Herre,  
som med deg og Den heilage ande lever og råder,  
éin sann Gud frå æve til æve.

**Amen.**

#### **Kristi forklåringsdag**

Heilage Gud,  
du openberra din herlegdom i Jesus Kristus.

Vi bed deg:

Hjelp oss å søkja dei djupe mysteria i vår tru,  
så vi kan sjå deg i Jesu Kristi andlet,  
han som med deg og Den heilage ande lever og råder,  
éin sann Gud frå æve til æve.

**Amen.**

#### **Fastelavnssøndag**

Herre Jesus Kristus,  
i kjærleik overgav du deg sjølv til liding og død i vår stad.

Vi bed deg:

Vis oss den vegen du gjekk, så vi kan døy med deg  
og stå opp til det evige livet,  
du som med din Far og Den heilage ande lever og råder,  
éin sann Gud frå æve til æve.

**Amen.**

## **Oskeonsdag**

Miskunnsame Gud,  
du kan setja oss fri frå synd og det som er forgjengeleg.  
Vi bed deg:  
Lær oss å halda faste slik du vil.  
Gjer oss uthaldande i bønna, trufaste i kjærleiken  
og heilhjarta i kampen for rettferd.  
Gje verda håp ved Jesu Kristi kross,  
han som med deg og Den heilage ande lever og råder,  
éin sann Gud frå æve til æve.

**Amen.**

## **1. søndag i fastetida**

Herre Jesus Kristus,  
du heldt ut i alle freistingar  
og sigra i kampen mot den vonde.  
Vi bed deg:  
Lær oss i denne fastetida å leva av ordet ditt,  
så vi vender oss bort frå all vondskap og følgjer deg,  
du som med din Far og Den heilage ande lever og råder,  
éin sann Gud frå æve til æve.

**Amen.**

## **2. søndag i fastetida**

Uransakelege Gud,  
du ser livet vårt og kampane våre.  
Vi bed deg:  
Gje oss ei uthaldande tru, så vi aldri slepper deg,  
men ventar på di velsigning,  
ved Son din, Jesus Kristus, vår Herre,  
som med deg og Den heilage ande lever og råder,  
éin sann Gud frå æve til æve.

**Amen.**

## **3. søndag i fastetida**

Allmektige Gud,  
du vinn over vondskapen.  
Vi bed deg:  
Vern oss mot det vonde, og set oss fri,  
så vi kan leva som born av lyset,  
ved Son din, Jesus Kristus, vår Herre,  
som med deg og Den heilage ande lever og råder,  
éin sann Gud frå æve til æve.

**Amen.**

## **4. søndag i fastetida**

Kjærleiks Gud,  
du gav Son din til soning for syndene våre.  
Vi bed deg:  
Vend auga våre mot han når vi blir sette på prøve,  
og hjelp oss når vi er svake,  
ved Jesus Kristus, vår Herre,  
som med deg og Den heilage ande lever og råder,  
éin sann Gud frå æve til æve.

**Amen.**

### **Maria bodskapsdag**

Unders Gud,  
du lét Son din bli menneske, unnfanga ved Den heilage ande.

Vi bed deg:

Gje oss slik tru som Maria hadde,  
og gjer oss modige som henne,  
så vi kan gjera din vilje i kjærleik, og lovsyngja deg,  
ved Jesus Kristus, vår Herre,  
som med deg og Den heilage ande lever og råder,  
éin sann Gud frå æve til æve.

**Amen.**

### **Palmesøndag**

Jesus Kristus, audmjuke konge,  
du kom til oss, fornedra og fattig.

Vi bed deg:

Forson oss med Gud og med kvarandre.  
Lær oss å gje avkall på vårt eige og følgja deg,  
du som med din Far og Den heilage ande lever og råder,  
éin sann Gud frå æve til æve.

**Amen.**

### **Skjærtorsdag**

Herre Jesus Kristus,  
du gav deg sjølv til soning for syndene våre  
og innbyd oss til ditt heilage måltid.

Vi bed deg:

Samein oss med deg i brødet og vinen.  
Ver oss nær sjølv når vi sviktar,  
og lat oss med heile di kyrkje samlast hos deg i ditt fullenda rike,  
du som med din Far og Den heilage ande lever og råder,  
éin sann Gud frå æve til æve.

**Amen.**

### **Langfredag**

Evige, nådige Gud,  
du sende Son din for å lida og døy for vår skuld.

Vi bed deg:

Opna hjarta våre for gåtene i Kristi kross.  
Lat krossen bli teiknet på håp  
i ei verd merkt av liding og vondskap,  
ved Son din, Jesus Kristus, vår Herre,  
som med deg og Den heilage ande lever og råder,  
éin sann Gud frå æve til æve.

**Amen.**

### **Påskenatt/Ottesong**

Evige Gud, livsens opphav,  
i denne natta reiste du Kristus opp av grava til det nye livet.  
Vi lovprisar deg for kjærleiken din som er sterkare enn døden.

Vi bed deg:

Lys for oss når natta er mørk og styrk oss i dåpens nåde,  
ved Son din, Jesus Kristus, vår Herre,  
som med deg og Den heilage ande lever og råder,

éin sann Gud frá æve til æve.

**Amen.**

### **Påskedag**

Jesus Kristus, oppstadne Herre og Frelsar,  
vi takkar og lovprisar deg.

Du har brote opp dødens lenkjer og knust djevelens makt.

Vi bed deg:

Fyll hjarta våre med glede, ved det levande håpet du har gjeve oss,  
så vi som kvinnene ved grava kan vitna om di oppstode,  
du som med din Far og Den heilage ande lever og råder,  
éin sann Gud frá æve til æve.

**Amen.**

### **2.påskedag**

Oppstadne Frelsar, Jesus Kristus,  
du viste deg for menneske som var blinda av sorg.

Vi bed deg:

Kall oss ved namn, bryt brødet og skjenk vinen,  
så vi kan kjenna deg att  
og jubla over at du lever og er midt iblant oss,  
du som med din Far og Den heilage ande lever og råder,  
éin sann Gud frá æve til æve.

**Amen.**

### **2. søndag i påsketida**

Oppstadne Frelsar, Jesus Kristus,  
du rekkjer hendene mot oss når vi tvilar.

Vi bed deg:

Gje oss tru når vi ikkje forstår,  
så vi kan leva i lyset av di oppstode  
og tilgje vårt eige og andres svik,  
du som med din Far og Den heilage ande lever og råder,  
éin sann Gud frá æve til æve.

**Amen.**

### **3. søndag i påsketida**

Jesus Kristus, gode hyrding,  
du kjenner oss og fører oss på rettferds stigar.

Vi bed deg:

Vakt oss mot alle farar  
og leit oss opp når vi går oss vill,  
så vi kan samlast hos deg i ditt evige rike,  
du som med din Far og Den heilage ande lever og råder,  
éin sann Gud frá æve til æve.

**Amen.**

### **4. søndag i påsketida**

Herre Jesus Kristus,  
du er vegen, sanninga og livet.

Vi bed deg:

Lær oss å elska kvarandre som du har elska oss,  
og styrk oss i håpet om at vi ein dag skal samlast hos deg i ditt rike,  
du som med din Far og Den heilage ande lever og råder,  
éin sann Gud frá æve til æve.

**Amen.**

### **5. søndag i påsketida**

Livsens Gud,  
ved Son din Jesus Kristus har du oppretta ditt rike blant oss.  
Vi bed deg:

Vara oss i din kjærleik, så vi kan bera stor grøde,  
som greiner på det sanne vintreet, Jesus Kristus,  
han som med deg og Den heilage ande lever og råder,  
éin sann Gud frå æve til æve.

**Amen.**

### **6. søndag i påsketida**

Himmelske Far,  
du høyrer bønene våre.  
Vi bed deg:  
Lat viljen din råda på jorda.  
Hjelp oss å stola på di omsorg og leggja alt fram for deg,  
så Kristus ved trua kan bu i hjarta våre,  
han som med deg og Den heilage ande lever og råder,  
éin sann Gud frå æve til æve.

**Amen.**

### **Helgetorsdag**

Allmektige Gud,  
du har opphøgd Son din Jesus Kristus  
og sett han ved di høgre hand.  
Vi bed deg:  
Gje oss din Ande, så vi kan forkynna evangeliet for alle folkeslag,  
inntil Kristus kjem att og gjer alle ting nye,  
han som med deg og Den heilage ande lever og råder,  
éin sann Gud frå æve til æve.

**Amen.**

### **Søndag før pinse**

Heilage, underfulle Gud,  
du synte ikkje di makt i stormen, men i lyden av stilla.  
Vi bed deg:  
Send oss din Ande, så vi kan læra sanninga å kjenna.  
Lat oss som Maria og apostlane å få halda trufast saman i bøn,  
ved Son din, Jesus Kristus, vår Herre,  
som med deg og Den heilage ande lever og råder,  
éin sann Gud frå æve til æve.

**Amen.**

### **Pinseaftan**

Heilage Ande,  
kom og rør ved hjarta våre,  
så di kyrkje kan fornyast i tru, von og kjærleik,  
ved Jesus Kristus, vår Herre, han som med deg  
og Faderen lever og råder, éin sann Gud frå  
æve til æve.

**Amen.**

### **Pinsedag**



Heilage Ande, vår livgjevar,  
vi takkar og lovprisar deg.  
Du sende din eld over læresveinane pinsedag  
og gav dei visdom og kraft.  
Vi bed deg:  
Hald trua og kjærleiken brennande blant oss,  
så vi frimodig forkynner evangeliet om Jesus Kristus, vår Herre,  
han som med deg og Faderen lever og råder,  
éin sann Gud frå æve til æve.  
**Amen.**

## **2. pinsedag**

Heilage Gud,  
du gjer ikkje forskjell på folk,  
men auser ut din Ande over alle folkeslag.  
Vi bed deg:  
Vis oss kva sann gudsfrykt er,  
og lei oss til Jesus Kristus, kjelda med det levende vatnet,  
han som med deg og Den heilage ande lever og råder,  
éin sann Gud frå æve til æve.  
**Amen.**

## **Treiningssøndag**

Treininge Gud,  
vår skapar, frelsar og livgjevar,  
vi bed deg:  
Opplys forstanden vår, forny hjarta våre  
og gje oss ei levande tru,  
så di kyrkje forkynner Kristi evangelium,  
du som lever og råder,  
éin sann Gud frå æve til æve.  
**Amen.**

## **2. søndag i treiningstida**

Livgjevande Gud,  
du har skapt oss til fellesskap med deg  
og født oss på ny av vatn og Ande.  
Vi bed deg:  
Lat oss få vera i dåpens nåde, så vi kan leva som Jesu læresveinar,  
han som med deg og Den heilage ande lever og råder,  
éin sann Gud frå æve til æve.  
**Amen.**

## **3. søndag i treiningstida**

Evige Gud, all gledes kjelde,  
du bad oss å gå ut og innby til den store festen din.  
Vi bed deg:  
Samein oss ved nattverdbordet  
så vi blir styrkte på vegen mot det himmelske gjestebodet,  
ved Son din, Jesus Kristus, vår Herre,  
som med deg og Den heilage ande lever og råder,  
éin sann Gud frå æve til æve.  
**Amen.**

## **4. søndag i treiningstida**

Audmjuke Herre, Jesus Kristus,  
du valde fattigdom og fornedring.  
Vi bed deg:  
Lei oss inn på kjærleiks vegar,  
så vi ikkje søkjer rikdomi verda,  
men tek krossen vår opp og følgjer deg,  
du som med din Far og Den heilage ande lever og råder,  
éin sann Gud frå æve til æve.  
**Amen.**

#### **5. søndag i treeiningstida**

Gud,  
du sende profetane til å vitna og forkynna din vilje.  
Vi bed deg:  
Lat kyrkja vera sannings røyst i verda.  
Vern oss mot falske røyster og forførande ord,  
så vi kan stå fast i trua på din nåde,  
ved Son din, Jesus Kristus, vår Herre,  
som med deg og Den heilage ande lever og råder,  
éin sann Gud frå æve til æve.  
**Amen.**

#### **Aposteldagen / 6. søndag i treeiningstida**

Heilage Gud,  
du kalla ufullkomne menneske til å vera apostlar.  
Vi bed deg:  
Kall oss til å vera dine vitne i verda.  
Utrust kvinner og menn, born og gamle,  
så vi kan vera levande steinar i di kyrkje,  
bygd på den sanne grunnvollen, Jesus Kristus, vår Herre,  
som med deg og Den heilage ande lever og råder,  
éin sann Gud frå æve til æve.  
**Amen.**

#### **7. søndag i treeiningstida**

Evige Gud,  
du ser oss alltid.  
Vi bed deg:  
Rop på oss når vi vil skjula oss for menneske og for deg,  
så vi får mot til å leva synleg for ditt nådige blikk,  
ved Son din, Jesus Kristus, vår Herre,  
som med deg og Den heilage ande lever og råder,  
éin sann Gud frå æve til æve.  
**Amen.**

#### **8. søndag i treeiningstida**

Nådige Gud,  
du har gjeve oss bodet om å elska deg og nesten vår.  
Vi bed deg:  
Gjer oss gåvmilde, så vi ikkje samlar skattar for oss sjølve,  
men deler gåvene med nesten vår,  
ved Son din, Jesus Kristus, vår Herre,  
som med deg og Den heilage ande lever og råder,  
éin sann Gud frå æve til æve.  
**Amen.**

### **9. søndag i treeiningstida**

Miskunnsame Gud,  
du gjev den svake oppreising  
og dømmer med rettferd og kjærleik.

Vi bed deg:

Fri oss så vi ikkje dømmer oss sjølve og andre,  
men overlèt dommen til deg åleine,  
ved Son din, Jesus Kristus, vår Herre,  
som med deg og Den heilage ande lever og råder,  
éin sann Gud frå æve til æve.

**Amen.**

### **10. søndag i treeiningstida**

Nådige Gud,  
du kallar oss til omvendning.

Vi bed deg:

Ta bort vår skuld, og lær oss å tilgje kvarandre.  
Fri oss frå å vera hjartelause og harde,  
så vi dagleg opnar oss for kjærleiken din i Jesus Kristus, vår Herre,  
som med deg og Den heilage ande lever og råder,  
éin sann Gud frå æve til æve.

**Amen.**

### **11. søndag i treeiningstida**

Gud, vår frigjerar,  
du løyser oss frå synd og frå dødens makt.

Vi bed deg:

Fri oss frå vår trong til sjølve å råda,  
så vi overgjev oss til fridomen i Son din, Jesus Kristus, vår Herre,  
han som med deg og Den heilage ande lever og råder,  
éin sann Gud frå æve til æve.

**Amen.**

### **12. søndag i treeiningstida**

Trufaste Gud,  
du kan aldri kan gløyma borna dine,  
og du veit kva vi treng.

Vi bed deg:

Fri oss frå angst og uro  
og lær oss å leva i tillit til di omsorg, så vi søker ditt rike,  
ved Son din, Jesus Kristus, vår Herre,  
som med deg og Den heilage ande lever og råder,  
éin sann Gud frå æve til æve.

**Amen.**

### **13. søndag i treeiningstida**

Rettferdige Gud,  
du har gjeve oss alt vi har  
og kallar oss til å leva til di ære.

Vi bed deg:

Gje oss visdom og mot til å forvalta det vi har fått av deg,  
så livet vårt kan bera frukt som varer,  
ved Son din, Jesus Kristus, vår Herre,  
som med deg og Den heilage ande lever og råder,

éin sann Gud frå æve til æve.

**Amen.**

**Vingardssøndagen / 14. søndag i treeiningstida**

Livsens Gud, Herre for kyrkja,  
du har kalla oss til å vera arbeidarar i vingarden.

Vi bed deg:

Bygg di kyrkje og styrk oss i tenesta,  
så vi arbeider for deg og nesten vår med glede,  
ved Son din, Jesus Kristus, vår Herre,  
som med deg og Den heilage ande lever og råder,  
éin sann Gud frå æve til æve.

**Amen.**

**15. søndag i treeiningstida**

Trufaste Gud,  
du elskar oss som ei kjærleg mor og ein kjærleg far.

Vi bed deg:

Lær oss å lytta til orda dine,  
så vi blir rike på innsikt og kjærleik,  
ved Son din, Jesus Kristus, vår Herre,  
som med deg og Den heilage ande lever og råder,  
éin sann Gud frå æve til æve.

**Amen.**

**16. søndag i treeiningstida**

Gud, du kjelde for alt godt,  
du høyrer klageropa våre.

Vi bed deg:

Trøyst oss i lidning og trengsel,  
så vi finn styrke i din lovnad om å gjera alle ting nye,  
ved Son din, Jesus Kristus, vår Herre,  
som med deg og Den heilage ande lever og råder,  
éin sann Gud frå æve til æve.

**Amen.**

**17. søndag i treeiningstida**

Evige Gud, vår skapar,  
du reiste Jesus opp frå grava.

Vi bed deg:

Gje kyrkja kraft til å tala livsens ord i dødens verd,  
så alle kan setja si von til han som er oppstoda og livet,  
Jesus Kristus, vår Herre,  
som med deg og Den heilage ande lever og råder,  
éin sann Gud frå æve til æve.

**Amen.**

**18. søndag i treeiningstida**

Gud vår trøystar,  
du har makt til å reisa opp sjuke  
og gje oss ny kraft og styrke.

Vi bed deg:

Lid med oss i sjukdommane og plagene våre,  
og forny oss ved din Heilage ande,  
så vi kan leva i forventning om den dagen du gjer alle ting nye,

ved Son din, Jesus Kristus, vår Herre,  
som med deg og Den heilage ande lever og råder,  
éin sann Gud frå æve til æve.

**Amen**

### **19. søndag i treeiningstida**

Heilage Gud,  
du har skrive din vilje i kvart eit menneskehjarte.  
Vi bed deg:  
Gjer oss faste i trua på deg,  
så vi kvar dag tek imot den rettferd  
du gjev oss i Son din, Jesus Kristus, Vår Herre,  
han som med deg og Den heilage ande lever og råder,  
éin sann Gud frå æve til æve.

**Amen.**

### **20. søndag i treeiningstida**

Evige Gud, kjærleiks kjelde,  
du har skapt oss til å leva i fellesskap med deg og med kvarandre.  
Vi bed deg:  
Bygg heimane våre i fred  
og velsign alle ekteskap, familiar og fellesskap.  
Fyll oss med din kjærleik, så vi kan tena deg i glede,  
ved Son din, Jesus Kristus, vår Herre,  
som med deg og Den heilage ande lever og råder,  
éin sann Gud frå æve til æve.

**Amen.**

### **21. søndag i treeiningstida**

Rettferdige Gud,  
du har skapt verda og openberra din gode vilje for oss.  
Vi bed deg:  
Fri oss frå uforstand og grådig framferd,  
så vi tek vare på skaparverket  
og deler rikdommane på jorda med dei som lid naud,  
ved Son din, Jesus Kristus, vår Herre,  
som med deg og Den heilage ande lever og råder,  
éin sann Gud frå æve til æve.

**Amen.**

### **22. søndag i treeiningstida**

Heilage Gud, livsens kjelde,  
du har skapt verda ved ditt ord.  
Vi bed deg:  
Lær oss å leva som born av lyset,  
så vi ikkje krenkjer deg eller nesten vår,  
men viser kjærleik i ord og handling,  
ved Son din, Jesus Kristus, vår Herre,  
som med deg og Den heilage ande lever og råder,  
éin sann Gud frå æve til æve.

**Amen.**

### **23. søndag i treeiningstida**

Heilage Gud,  
du vaker alltid over oss.

Vi bed deg:

Vekk oss opp, vi som ofte er likegyldige,  
så vi kan vera førebudde,  
og venta på den dagen Jesus Kristus kjem att i herlegdom  
for å dømma levande og døde,  
han som med deg og Den heilage ande lever og råder,  
éin sann Gud frå æve til æve.

**Amen**

Søndagane i treeiningstida står i samanheng med påsken. I dei åra der det er fleire enn 23 søndagar i treeiningstida vel ein tekstar som ein ikkje har nytta i openberringstida, frå 6., 5., 4. og 3. søndag (i denne rekkjefølgja).

### **Domssøndag / Kristi kongedag**

Heilage Gud,  
du bur i det høge og heilage  
og hos den som er knust og nedbøygd i si ånd.

Vi bed deg:

Gjer oss vakne så vi kjenner deg att i alle som lid.  
Sjå i nåde til oss på dommens dag,  
så vi kan koma inn til festen og gleda i ditt rike,  
ved vår frelsar Jesus Kristus,  
som med deg og Den heilage ande lever og råder,  
éin sann Gud frå æve til æve.

**Amen.**

### **Lysmesse**

Evige Gud,  
Du skapte lyset og sende din Son som eit lys for verda.

Vi bed deg:

Lat oss ikkje vandra i mørkret,  
men få leva i lyset frå Jesus Kristus, vår Herre,  
som med deg og Den heilage ande lever og råder,  
éin sann Gud frå æve til æve.

**Amen.**

### **Kyndelsmesse, 2. februar**

Evige Gud,  
du skapte lyset og som sende din Son som eit lys for verda.

Vi bed deg:

Opna auga våre for di frelse,  
så vi som Hanna og Maria kan takka og lovprisa deg  
ved Jesus Kristus, vår Herre,  
som med deg og Den heilage ande lever og råder,  
éin sann Gud frå æve til æve.

**Amen.**

### **Samefolkets dag, 6. februar**

Gud, skapar av himmel og jord,  
du har kalla folka på jorda til å vera eitt i Kristus.  
Takk for at vi alle kan gleda oss over arven vår og landet til forfedrane.

Vi bed deg:

Vara og lei samefolket,  
og gje alle folkeslag eit verdig liv i rettferd og fred,  
ved Son din, Jesus Kristus, vår Herre,  
som med deg og Den heilage ande lever og råder,  
éin sann Gud frå æve til æve.

**Amen.**

**1. mai**

Rettferdige Gud,  
du har kalla oss til å forvalta jorda og elska kvarandre.  
Vi bed deg:  
Gje oss vilje til å dela gåvene dine rett.  
Lat arbeidet vårt bli til velsigning for alle menneske,  
så vi saman kan byggja eit samfunn i rettferd, solidaritet og fred,  
ved Son din, Jesus Kristus, vår Herre,  
som med deg og Den heilage ande lever og råder,  
éin sann Gud frå æve til æve.

**Amen.**

**17. mai**

Nådige Gud,  
takk for landet vi bur i, for grunnlova vår og fridomen.  
Vi bed deg:  
Lat namnet ditt vera heilagt blant oss.  
Vak over landet vårt,  
vern oss mot hovmod og lær oss å vera gjestfrie.  
Gje alle folk og nasjonar på jord eit verdig liv i fridom og fred,  
ved Son din, Jesus Kristus, vår Herre,  
som med deg og Den heilage ande lever og råder,  
éin sann Gud frå æve til æve.

**Amen.**

**Jonsok, 24. juni**

Gud, vår skapar,  
du sende døyparen Johannes for å rydda veg for Son din.  
Vi bed deg:  
Lat oss å få ta imot evangeliet om nåde og sanning,  
så vi forkynner det for alle folkeslag,  
ved Jesus Kristus, vår Herre,  
som med deg og Den heilage ande lever og råder,  
éin sann Gud frå æve til æve.

**Amen.**

**Olavsdagen/Olsok, 29. juni**

Nådige Gud,  
du sende bodberarane dine for å byggja kyrkja i Noreg.  
Takk for at du kan bruka ufullkomne menneske til å forkynna ordet ditt.  
Vi bed deg:  
Lær oss å forvalta evangeliet med truskap,  
og hjelp oss å møta menneske av ei anna tru med kjærleik og respekt,  
ved Son din, Jesus Kristus, vår Herre,  
som med deg og Den heilage ande lever og råder,  
éin sann Gud frå æve til æve.

**Amen.**

**Mikkelsmesse, 29. september**

Evige Gud, Herre over himmel og jord,  
du har englar og menneske i di teneste.  
Vi takkar deg fordi du sender dine bodberarar  
for å vakta og verna oss mot ondskapens makter.  
Vi bed deg:  
Gjev oss å strida den gode striden i trua,

så vi etter dette livet får del i englane sin lovsong i himmelen,  
ved Son din, Jesus Kristus, vår Herre,  
som med deg og Den heilage ande lever og råder,  
éin sann Gud frå æve til æve.

**Amen.**

#### **Hausttakkefest**

Gud vår skapar,  
vi takkar deg som lèt jorda bera fram grøde  
og gjev oss alt vi treng.

Vi bed deg:

Minn oss dagleg om at alt som er skapt høyrer deg til,  
så vi tek imot gåvene dine med takk  
og deler med dei som lid naud,  
ved Son din, Jesus Kristus, vår Herre,  
som med deg og Den heilage ande lever og råder,  
éin sann Gud frå æve til æve.

**Amen.**

#### **Bots- og bønedađ, siste søndag i oktober**

Nådige Gud,  
du har skapt oss i ditt bilete  
og formar oss på nytt med di skaparhand.

Vi bed deg:

Tilgje oss syndene våre og forny ditt bilete i oss  
så vi vender om til deg og lever etter din gode vilje,  
ved Son din, Jesus Kristus, vår Herre,  
som med deg og Den heilage ande lever og råder,  
éin sann Gud frå æve til æve.

**Amen.**

#### **Reformasjonsdađen, 31. oktober**

Trufaste Gud,  
du sende oss evangeliet til frelse.

Vi bed deg:

Skap ei levande tru i oss og gjer di kyrkje ny.  
Lat nåde og sanning bli forkynt for alle menneske,  
inntil riket ditt blir fullenda ved Jesus Kristus, vår frelsar,  
som med deg og Den heilage ande lever og råder,  
éin sann Gud frå æve til æve.

**Amen.**

#### **Helgemessesøndag, første søndag i november**

Allmektige, evige Gud,  
vi takkar deg for alle dei som har kjempa den gode striden  
og halde fast på trua.

Vi bed deg:

Gje oss din Ande og di kraft, så vi kan leva og døy i deg  
og følgja etter dei som har gått føre oss,  
ved Son din, Jesus Kristus, vår Herre,  
som med deg og Den heilage ande lever og råder,  
éin sann Gud frå æve til æve.

**Amen.**

#### **Minnedag**



Evige Gud,  
du er vårt håp og vår tilflukt.  
Vi bed deg:  
Trøyst oss i sorga og saknet etter våre kjære,  
og styrk oss i trua, så vi i liv og død kan setja vår von til deg,  
ved Son din, Jesus Kristus, vår Herre,  
som med deg og Den heilage ande lever og råder,  
éin sann Gud frå æve til æve.  
**Amen.**

#### **For skaparverket**

Evige Gud,  
du skapte himmelen og jorda og alt som lever.  
Vi bed deg:  
Gje oss glede over skaparverket  
og opna auga våre for det underfulle livet,  
så vi ikkje utarmar naturen,  
men med takk tek vare på gåvene dine og deler dei rettferdig,  
ved Son din, Jesus Kristus, vår Herre,  
som med deg og Den heilage ande lever og råder,  
éin sann Gud frå æve til æve.  
**Amen.**

#### **For kristen einskap**

Gud, vår skapar og forløysar,  
du har grunnlagt di kyrkje på jorda.  
Vi bed deg:  
Samein oss i di sanning,  
og gjer kjærleiken brennande mellom oss,  
så vi samlynte og forlikte kan vedkjennast at Jesus Kristus er  
Herre, han som med deg og Den heilage ande lever og råder,  
éin sann Gud frå æve til æve.  
**Amen.**

#### **For rettferd og fred**

Gud, vår tilflukt,  
du har skapt alle menneske i ditt bilete.  
Vi bed deg:  
Vern oss mot vald og undertrykking,  
og lat oss ikkje sjølve bli årsak til urett og strid.  
Lat rettferd få råda blant oss og gje oss din fred,  
ved son din, Jesus Kristus, vår Herre,  
som med deg og Den heilage ande lever og råder,  
éin sann Gud frå æve til æve.  
**Amen.**

#### **For forfølgde**

Gud, vårt vern i trengsler,  
du er nær alle forfølgde.  
Vi bed deg:  
Sjå til di lidande kyrkje.  
Opna auga våre  
så vi ikkje sjølve blir årsak til at nokon må lida for si trus skuld.  
Lær oss å møta med omsorg alle som blir tvinga på flukt,  
ved Son din, Jesus Kristus, vår Herre,

som med deg og Den heilage ande lever og råder,  
éin sann Gud frá æve til æve.

**Amen.**